

MIRATIMI I RREGULLAVE DHE PROCEDURAVE

MBI

MËNYRËN E VLERËSIMIT NGA KOMISIONI I PAVARUR AD-HOC PËR PËRZGJEDHJEN E KANDIDATËVE PËR ANËTAR TË KËSHILLIT TË LARTË GJYQËSOR DHE ANËTAR TË KËSHILLIT TË LARTË TË PROKURORISË NGA RRADHËT E AVOKATËVE

➤ Hyrje

Ne perputhje me nenin 24 te ligjit nr. 115/2016 "Per organet e qeverisjes se sistemit te drejtesise", Komisioni i Pavarur "Ad Hoc" është organ i pavarur që bën verifikimin paraprak të kushteve ligjore, vlerësimin paraprak të kriterëve profesionale e morale dhe renditjen e avokatëve që kandidojnë për të qenë anëtarë të Këshillit të Lartë Gjyqësor dhe anetar te Keshillit te Larte te Prokurorise.

Komisioni i Pavarur Ad Hoc i përmbush funksionet e tij duke respektuar standardet e procesit të rregullt ligjor dhe me qëllimin për të siguruar cilësi sa më të lartë profesionale dhe morale në përbërjen e Këshillit të Lartë Gjyqësor dhe Keshillit te Larte te Prokurorise.

Në perputhje me dispozitat e percaktuara ne nenseksionin II, te ligjit nr.115/2016 "Per organet e qeverisjes se sistemit te drejtesise", Komisioni I Pavarur Ad-hoc *miraton rregullat per detajimin e kriterëve dhe caktimin e peshes specifike te tyre ne renditjen e kandidateve.*

Komisioni i pavarur "Ad hoc", ushtron veprimtarinë e tij në mënyrë kolegjiale, sipas rregullave dhe procedurave të parashikuara për organizimin dhe funksionimin e organeve kolegjiale, veç rregullave specifike që parashikon ligji nr. 115/2016 "Per organet e qeverisjes se sistemit te drejtesise".

Komisioni i pavarur "Ad hoc", si organ kolegjial:

1. Komisioni i Pavarur Ad Hoc, përbëhet nga 5 anëtarë dhe përkatësisht nga:

- | | |
|---|------------|
| - Avokati i Popullit | Kryetar |
| - Kryetari i Këshillit të Emërimeve në Drejtësi | Zv/kryetar |
| - Avokat ¹ | Anëtar |
| - Avokat ² | - |
| - Anëtar i Akademisë së Shkencave | - |

¹ Me i vjetri në moshe nder avokatet qe plotesojne kushtet per te qene anetar të KLGJ-se, KLP-se, të perfshire ne listen e derguar nga ana e Dhomes Kombetare te Avokatise, Avokatit të Popullit.

² Me i riu ne moshe nder avokatet qe plotesojne kushtet per te qene anetar të KLGJ-se, KLP-se, të perfshire ne listen e derguar nga ana e Dhomes Kombetare te Avokatise, Avokatit të Popullit.

Pjesëmarrja në mbledhjet e komisionit “Ad hoc” është e detyrueshme. Anëtarët që mungojnë zëvendësohen nga anëtarët zëvendësues, sipas parashikimeve të ligjit nr.115/2016 “Për organet e qeverisjes së sistemit të drejtësisë”. Mbledhjet e komisionit zhvillohen kur janë të pranishëm më shumë se gjysma e anëtarëve të tij.

2. Avokati i Popullit në cilësinë e Kryetarit të Komisionit “Ad hoc”, thërret sa here është e nevojshme mbledhjen e këtij komisioni. Thirrja e mbledhjes ku tregohet data, vendi (zyra e Avokatit të Popullit) dhe ora e mbledhjes, bëhet përmes shpalljes në faqen zyrtare të Avokatit të Popullit dhe i dërgohet secilit prej anëtarëve të Komisionit “Ad hoc”, në adresën e tyre elektronike të deklaruar si dhe me postë. Mbledhjet e komisionit “Ad hoc” janë të mbyllura. Kur në hapjen e mbledhjes nuk janë të pranishëm shumica e anëtarëve, kryetari vendos thirrjen e mbledhjes në një ditë tjetër, të paktën 24 orë pas së parës.
3. Rendi i ditës së mbledhjeve të Komisionit “Ad hoc”, përcaktohet në marrëveshje nga të gjithë anëtarët e këtij komisioni në mbledhjen paraardhëse përkatëse. Rendi i ditës iu shpërndahet të gjithë anëtarëve të Komisionit “Ad hoc”, së paku 24 orë përpara mbledhjes së radhës.
4. Komisioni “Ad hoc”, merr vendime vetëm për çështjet që janë përfshirë në rendin e ditës së mbledhjes, veç rasteve kur të paktën 2/3 e anëtarëve vendosin shqyrtimin dhe marrjen e vendimeve për çështje që nuk janë në rendin e ditës.
5. Vendimet merren me shumicën e votave të anëtarëve që marrin pjesë në mbledhje. Kur rezultati i votimit është i barabartë vota e kryetarit është vendimtare.
6. Vendimet e komisionit “Ad hoc” merren me votim të hapur. Anëtarët e komisionit që nuk kanë ndonjë pengesë ligjore nuk duhet të jenë të pranishëm gjatë diskutimeve dhe votimit në komision. Kryetari i komisionit voton i fundit.
7. Në çdo mbledhje mbahet një proces-verbal ku bëhet një përmbledhje e gjithë ç’ka është thënë, data dhe vendi i mbledhjes, anëtarët që morën pjesë, çështwejt e diskutuara, vendimet e marra si dhe rezultati i votimeve. Proces –verbal i mbahet nga punonjësi përkatës i administratës ndihmëse për komisionin “Ad hoc”, pjesë e stafit të institucionit të Avokatit të Popullit. Me kërkesën e anëtarit përkatës të komisionit kur ky i fundit voton kundër një vendimmarrje përkatëse, kjo gjë pasqyrohet në proces-verbal.

➤ **Verifikimi i Plotesimit të Kushteve Ligjore**

1. Avokatët që kandidojnë për pozicionin e anëtarit të Këshillit të Lartë Gjyqësor dhe anëtarit të Këshillit të Lartë të Prokurorisë duhet të plotësojnë kushtet e mëposhtme:

- a. të jenë shtetas shqiptarë;
- b. të kenë përfunduar ciklin e dytë të studimeve universitare për drejtësi, me diplomë “Master i shkencave”, ose diplomë të njësuar me të, ose studimet universitare për drejtësi

jashtë shtetit dhe të kenë marrë një diplomë të njësuar, sipas rregullave për njësimin e diplomave, të parashikuar me ligj;

c. të jenë avokatë të licencuar sipas ligjit;

ç. të kenë shlyer rregullisht të gjitha detyrimet tatimore dhe financiare ndaj Dhomës së Avokatisë;

d. të kenë jo më pak se 15 vjet përvojë pune në profesion si jurist, nga të cilat të paktën 10 vitet e fundit të kenë ushtruar profesionin e avokatit pa ndërprerje;

dh. të jenë licencuar për të ushtruar profesionin pranë Gjykatës së Lartë dhe/ose Gjykatës Kushtetuese, sipas parashikimeve të ligjit “Për profesionin e avokatit”; e) të mos kenë masë disiplinore në fuqi;

ë. të mos kenë qenë dënuar më parë me vendim gjyqësor të formës së prerë për kryerjen e një vepre penale;

f. të mos kenë mbajtur gjatë 10 viteve të fundit funksione politike në administratën publike ose pozicione drejtuese në parti të politike;

g. të mos kenë qenë anëtarë, bashkëpunëtorë ose të favorizuar të ish-Sigurimit të Shtetit para 2 korrikut 1991, në kuptimin e ligjit “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;

gj. të mos jenë bashkëpunëtorë, informatorë ose agjentë të shërbimeve të inteligjencës; h. në kohën e kandidimit, të mos kenë asnjë anëtar të familjes, sipas kuptimit të ligjit “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, si dhe të afërm të shkallës së parë që është anëtar në detyrë i Këshillit ose kandidat për anëtar;

i. të mos jenë larguar nga detyra të mëparshme si gjyqtar, prokuror ose oficer i Policisë Gjyqësore me masë disiplinore;

j. të mos jenë kandidatë të propozuar nga trupa e pedagogëve të fakulteteve të drejtësisë dhe Shkollës së Magjistraturës, si dhe nga shoqëria civile.

2. Në ushtrimin e përgjegjësisë së tij për verifikimin paraprak të plotësimit të kushteve ligjore nga kandidatët, Komisioni i Pavarur Ad Hoc ndihmohet nga administrata e Avokatit të Popullit.

3. Me përfundimin e procedurës së verifikimit paraprak, Komisioni i Pavarur Ad Hoc shpall menjëherë emrat e kandidatëve që plotësojnë kushtet ligjore për të qenë anëtarë të Këshillit të Lartë Gjyqësor dhe anëtarit të Këshillit të Lartë të Prokurorisë në faqen zyrtare të Avokatit të Popullit, të Kuvendit dhe të Dhomës Kombëtare të Avokatisë. Në të njëjtën kohë, Komisioni i Pavarur Ad Hoc i komunikon individualisht kandidatëve, rezultatit e verifikimit të të dhënave të deklaruar.

➤ **Kriteret profesionale dhe morale për renditjen e kandidatëve**

Komisioni i Pavarur Ad Hoc, pas shpalljes zyrtarisht të kandidaturave, të cilat plotësojnë kushtet ligjore, mbledhet menjëherë për vlerësimin e kriterëve profesionale e morale të kandidatëve dhe bën renditjen e tyre jo më vonë se 10 ditë nga dita e mbledhjes.

Renditja e kandidatëve do të vlerësohet në bazë të një **sistemi pikëzimi** (Totali i pikëve të vlerësimit të kandidatëve është 100), duke u mbështetur në:

- ***Meritat profesionale***

a. rezultatet e vlerësimit profesional dhe të etikës të kandidatëve në punët që kanë bërë në të shkuarën, nëse ka, ose rezultatet e arritura gjatë përvojave të tyre të punës, që lidhen me ushtrimin e funksioneve në fushën përkatëse që lidhet me veprimtarinë e institucionit për të cilën kandidon, **6 pike**.

b. vlerësimin e rëndësisë së punimeve akademike, studimeve shkencore, shkrimeve dhe ligjëratave profesionale, botimeve, si dhe pjesëmarrjen në aktivitete shkencore, pjesëmarrjen në procesin e hartimit ose të konsultimit të legjislacionit dhe çdo angazhim tjetër profesional të kandidatit përgjatë 5 viteve të fundit në fushën e së drejtës, **6 pike**.

c. rezultatet gjatë studimeve në ciklet e arsimit të lartë, **6 pike**.

ç. ecurinë në punë dhe pjesëmarrjen në trajnimet profesionale dhe në kurse të tjera të certifikuara brenda dhe jashtë vendit, **6 pike**.

- ***Meritat morale***

a. reputacionin që gëzon kandidati në shoqëri dhe midis kolegëve, **6 pike**.

b. cilësitë morale, të tilla si ndershmëria, përpikmëria në ushtrimin e detyrave, përgjegjshmëria, besueshmëria, paanësia, dinjiteti dhe prirja për të marrë përsipër përgjegjësi, etika profesionale, përdorimi i të gjitha mjeteve të ligjshme për mbrojtjen me besnikëri të të drejtave të personave që përfaqësohen prej tij, **10 pike**.

c. angazhimin e provuar në ndjekje të kauzave të shoqërisë civile, **6 pike**.

- ***Meritat organizative, drejtuese dhe menaxheriale***

a. cilësinë e platformës dhe të vizionit që paraqesin, **8 pike**.

b. aftësitë e provuara për të marrë vendime dhe përgjegjësi bazuar në përvojat e mëparshme profesionale dhe shoqërore, **6 pike**.

c. aftësitë e komunikimit, **6 pike**.

ç. aftësitë e të punuarit në grup dhe në mjedise multidisiplinore, ose multikulturore **6 pike**.

d. aftësitë e përfaqësimit në publik, **6 pike**.

- ***Merita të tjera***

Krahas kritereve të mesiperme, Komisioni i Pavarur Ad Hoc në vlerësimin e kandidatëve mban parasysh edhe:

a. mbajtja e titujve akademikë, **8 pike**.

b. kryerja e studimeve dhe trajnimeve afatgjata jashtë vendit, **8 pike**.

c. njohja e gjuhëve të huaja, **6 pike**.

➤ ***Seanca dëgjimore***

Komisioni i Pavarur Ad Hoc gezon te drejten qe te intervistoje kandidatet qe plotësojnë kushtet paraprake ligjore, angazhon eksperte, sipas rastit, për verifikimin e aftësive të tyre, sidomos për të verifikuar nivelin e zotërimit të gjuhëve të huaja. Komisioni i Pavarur Ad Hoc, gjate zhvillimit te intervistes se strukturuar me gojë, zgjedh një grup të njëjtë pyetjesh për të gjithë kandidatët.

➤ ***Listimi i kandidatëve***

Në marrjen e vendimeve për renditjen e kandidatëve, Komisioni i Pavarur Ad Hoc vepron sipas kriterëve të parashikuara me siper, dhe harton një raport ku arsyeton renditjen e kandidatëve.

Kryetari Komisionit të Pavarur Ad Hoc i përcjell Sekretarit të Përgjithshëm të Kuvendit një listë me emrat e kandidatëve që kanë marrë pikët më të larta, por jo më shumë se 10 kandidatë dhe në çdo rast jo më pak se trefishi i numrit të vendeve vakante. Lista me emrat e renditur të kandidatëve dhe lista me kandidatët që nuk plotësojnë kushtet dhe kriteret ligjore, si dhe raporti i vlerësimit regjistrohen në regjistrin e protokollit të Kuvendit të Shqipërisë. Asaj i bashkëngjiten kopjet origjinale, ose të noterizuara, të dokumentacionit të çdo kandidati, së bashku me inventarin e dosjes së tij.